

Ո Ր Ո Շ ՈՒ Մ

Վարչական իրավախախտման գործով կայացված
որոշումը բեկանելու և գործը նոր քննության ուղարկելու մասին

15.10.2018թ.

ք.Երևան

Ճանապարհային ոստիկանության պետ, ոստիկանության գնդապետ Եգոր
Կարապետյան, վերանայելով Սմբատ Հովհաննիսյանի դիմումի շուրջ ստեղծված նյութերը՝

Պ Ա Ր Զ Ե Ց Ի

2018թ. սեպտեմբերի 20-ին Երևան քաղաքի Կիլիկիա թաղամասի 6 շենքի 19
բնակարանի բնակիչ քաղ.Ս.Հովհաննիսյանը դիմումով հայտնել է, որ ավտոմեքենան եղել է
ապահովագրված, սակայն իր նկատմամբ կազմվել է արձանագրություն: Դիմումատու
խնդրել է ԱԴ 685341 որոշումը ճանաչել անվավեր:

Դիմումի ուսումնասիրությամբ պարզվել է, որ 2018թ. սեպտեմբերի 14-ին, ժամը
13.10-ին Երևան քաղաքի Սայաթ-Նովա պողոտայում քաղ.Ս.Հովհաննիսյանի կողմից
վարած «Սիցուբիշի» մակնիշի 050 AF 61 հաշվառման համարանիշի ավտոմոբիլը
կանգնեցվել է ճանապարհային ոստիկանության ճՊԾ 1-ին սպայական գումարտակի 1-ին
սպայական դասակի տեսուչ Ա.Հովհաննիսյանի կողմից ճեկ-ի խախտման համար, այն է՝
վարորդն ավտոմոբիլը վարելիս կատարել է հետադարձ հատելով հակադիր հոսքերը
իրարից բաժանող գծերը: Ստուգումից պարզվել է նաև, որ վարորդն ավտոմոբիլը վարել է
առանց հաշվառման վկայագրի և գործող ԱՊՊԱ պայմանագիր ունենալու: Վարորդի
նկատմամբ կազմվել է վարչական իրավախախտման վերաբերյալ արձանագրություն և,
ՎԻՎ ՀՀ օրենսգրքի 129.2 հոդվածի 2-րդ մասի համաձայն, կայացվել է ԱԴ թիվ 685341
որոշումը՝ վերջինիս 100.000 դրամ տուգանելու մասին:

Քաղ.Ս.Հովհաննիսյանի կողմից ներկայացվել է «Ռոսգոսստրախ-Արմենիա» ԱՓԲԸ-ի
հետ 2017թ. հոկտեմբերի 25-ին կնքված SI թիվ 770214 ԱՊՊԱ վկայագրի պատճենը, որի
համաձայն «Սիցուբիշի» մակնիշի 050 AF 61 հաշվառման համարանիշի ավտոմոբիլի
պայմանագիրն ուժի մեջ է 2018թ. հունվարի 1-ի
ժամը 00.00-ից մինչև 2018թ. դեկտեմբերի 31-ը: Նշված փաստը հիմնավորվել է նաև
ճանապարհային ոստիկանության էլեկտրոնային ռեգիստրի տվյալներով:

Այսպիսով, քաղ.Ս.Հովհաննիսյանի արարքում բացակայում է Վարչական
իրավախախտումների վերաբերյալ ՀՀ օրենսգրքի 129.2 հոդվածի 2-րդ մասով
նախատեսված վարչական իրավախախտման դեպքը, սակայն առկա է նույն օրենսգրքի
123.4-րդ հոդվածով նախատեսված վարչական իրավախախտման դեպքը, ուստի, ելնելով
վերոգրյալից և ղեկավարվելով նույն օրենսգրքի 293-րդ հոդվածի 1-ին մասի 2-րդ կետով

Ո Ր Ո Շ Ե Ց Ի

1. Բեկանել ճանապարհային ոստիկանության ճՊԾ 1-ին սպայական գումարտակի 1-ին
սպայական դասակի տեսուչ Ա.Հովհաննիսյանի կողմից կազմված վարչական
իրավախախտման արձանագրության հիման վրա 2018թ. սեպտեմբերի 14-ին
կայացված ԱԴ թիվ 685341 որոշումը և **գործն ուղարկել նոր քննության:**
2. Սույն որոշման օրինակներն ուղարկել ճանապարհային ոստիկանության ՎԳ
բաժանմունք և դիմումատուին:
3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված
կարգով և ժամկետներում:



Ե.Կարապետյան

17-2-5713
17 10 13